

四庫全書

子部

欽定四庫全書

六藝之一錄卷三十八

錢唐倪濤撰

石刻文字十四

東海廟碑

惟永壽元丰春正月有漢東海相南陽桓君

下開

念四時

享祀有常每飾壺切旋則阡崩於閔吏

下開

費者不永寧

凡尊盧祇敬鬼神寔為黔勅祈福

下開

咸慕義民相帥四

面並集乃部掾何俊左崇

下開

殿作兩傳起三樓經構既

立事業畢成俊等錫石欲

闕下

榮非仁也故遂闕而不著

初縣典祠雖有法出附增之

闕下

絕請求姑息之源瀕海

鹽缺月有貴賤收責侵侔民多

闕下

限貧富俱均下采容

姦

缺

仁憂

缺

惠康民賴其利

熹平元平夏四月東海相山陽滿君

缺

初躬令

闕下

進瞻壇

缺

退宴禮堂嘉羨君功既爾

缺

是乃退

咨

闕下

燭勛績不著後世無聞遂作頌曰

浩浩倉海百川之宗經落八極潢

缺

洪波潤

闕下

物雲

雨出焉天淵

缺

禎所缺昔在前代昭事百

下闕

有司齊

肅致力四時奉祠蓋亦所以敬恭明神報功

下闕

闕倚傾

於鑠桓君是繕是脩

缺

慕缺采日而成功

下闕

孫缺退

述爰勒斯銘朮著

缺載垂馨

### 碑陰

闕者秦始皇所立名之秦東門闕事左史記

右東海廟碑靈帝熹平元年立在海州永壽元年東

海相南陽君崇飾殿宇起三樓作兩傳其掾屬何俊

右榮欲為君鐫石而南陽君止之厥後山陽滿君踵其武嘉歎勛績為作碑頌而二君名皆淪沒矣別有數句載秦東門事乃頌所謂倚傾之閼者碑錄胸山有秦始皇碑云漢東海相任恭修祠刻於碑陰似是此也任君當又在滿君之後南陽之役更十八年後人猶頌其美則模撫決非苟然者予官京口日將士往來胸山者云海廟一椽不存自今非四十年前舊物不復見此刻矣歐陽公時天下一家漢碑雖在遐

陬窮谷無脛而可至集古錄中已屢言難得為可寶

況今乎

謀  
釋

碑中以阼為阼

全  
上

右漢東海相桓君海廟碑云惟永壽元年春正月有

漢東海相桓君又云熹平元年夏四月東海相山陽

滿君其餘文字完者尚多大略記修飾祠宇事而其

銘詩有云浩浩倉海百川之宗知其為海廟碑也桓

君與滿君皆不著其名莫知為何人碑今在海州

全  
石

錄

漢東海祠碑永壽元年東海相桓君 漢秦始皇碑

東海相任恭修理祠於碑背刻在胸山

天下碑錄

東海祠碑永壽元年海州 東海相桓君海廟碑永

壽元年未詳

金石略

桐柏淮源廟碑

延熹六年正月八日乙酉南陽太守中丞盧奴 魏君靈

正好禮尊神敬祀以淮出平氏始於大夏潛行地中見

于陽口立廟桐柏春秋宗奉災異告愬水旱請求位比  
諸侯聖漢所尊受珪上帝大常定甲郡守奉祀齋絜沈  
祭從郭君以來廿餘年不復身至遣丞行事簡略不敬  
明神弗歆災害以生五嶽四瀆與天合德仲尼慎祭常  
若神在缺淮則大聖親之桐柏奉見廟祠崎嶇逼狹開  
拓神門立闕四達增廣壇場飭治華蓋高大殿宇缺齊  
傳館石獸表道靈龜十四衢建弘敞宮廟嵩峻祗慎慶  
祀一年再至躬進三牲執玉以沈為民祈福靈祇報祐



天地清和嘉祥昭格禽獸碩茂草木芬芳黎庶賴祉民  
用作頌其辭曰

汭汭淮源聖禹所導湯湯其逝惟海是造跡穢濟遠柔  
順其道弱而能強仁而能武缺 晝焚明哲所取寔為

四瀆與河合矩

缺

烈烈明府好古之則受恭禮祀不銜

其德惟前廢弛匪躬匪力灾眚以興陰陽以忒陟彼高  
岡臻茲廟側肅肅其敬靈祇降福維維其和民用悅服  
穰穰其慶丰穀豐殫望君輿駕扶老攜息慕君塵軌永

走忘食懷君惠賜思君罔極于骨樂予傳于萬億春侍  
祠官屬五官掾章陵劉訢功曹史安衆劉瑗主簿蔡陽  
樂茂戶曹史宛任巽

秋五官掾新缺梁慙功曹史鄺周謙主簿安衆鄧疑主  
記史宛趙旻戶曹史宛謝綜

右祠柏淮源廟碑今在唐州載延熹六年南陽守躬  
祠淮廟事水經云廟前有碑是郭苞立又二碑延熹  
中守令所造此則其一也碑云奉祀濟絜字書無濟

字以文意推之當爲齋戒之齋此碑又有一正書者如華蓋誤作萃豐晝夜誤作立式凡十數字婁壽亦有正書一碑州鄰誤作鄰里愛懷誤作盛德其難辨如朱爵及處謚字則以爲闕文予之費目力於此書良不少也

隸釋

柘即拓字華即華字祇即祇字求即奔字

全上

漢桐柏廟碑磨滅雖不甚而文字斷續粗可考次蓋南陽太守修廟碑也其辭云延熹六年正月乙酉南

陽太守中山盧奴君奴下正缺一字當是其姓又云  
尊神敬祀立廟桐柏春秋宗禳災異告變水旱請求  
位比諸侯聖漢所尊太守奉祀二十餘年不復身至  
遣丞行事簡略不敬明神弗歆災害以生五嶽四瀆  
與天合德仲尼慎祭常若神在君準則大聖親之桐  
柏來見廟祠崎嶇逼狹開拓神門立闕四望增廣壇  
場又云執玉以沈為民祈福靈祈報祐天地清和其  
大意止於如此其後頌亦可讀第不見太守姓名爾

然不著他事惟修廟祀神爾桐柏淮瀆廟也

集古錄

右漢隸不著書撰人名氏南陽太守盧奴

碑缺不見

君

延熹六年重修桐柏廟作此頌桐柏淮源也碑在鄧

州

集古錄目

桐柏淮源廟碑漢桓帝延熹六年正月八日乙丑立

隸書在南陽唐縣

格古要論

後漢桐柏廟碑王文考撰撫搨精彩動人覽者謂是

宋本按歐陽永叔集古錄謂磨滅雖不甚而文字斷

續粗可考次其所載文僅十之六七不應此本完善  
乃爾豈漢碑已泐而宋人別得善本重刻之耶分法  
雖極古雅然往往有史惟則張正臣筆意視受禪勸  
進表不無出入因識以俟知者

弇州山人

散阮君神祠碑

天地安位山

缺

嶽瀆諸侯

缺

事其細

缺

祭法白山林川谷有益於民

缺

左祀典夫中脩之山

者蓋華嶽之體也石趺樹谷南通商雒以屬熊耳百川

鍾隸充崖滿谷時有盛雨鼓浪涌溢衆高超下揚波跂沫於是散眈以爲之蜚承寫其流北注諸渭蠲渫瀦暴使不爲害前垂通利吏民興貴有御史大夫將軍收伯故爲立祠以報其功自亾新已來其祀墮廢眈稍埋塞隄防沮潰漂漫田疇滯敗亭市神怒民怨縣遂以災賤仕宦失官路弊不震迄光和四年仕詒之歲令河東聞意缺君諱缺字君缺爲政以德五教時序肅恭明神敬奉裡祀勤郵民隱而除其害愍一縣之陵遲懼缺至之

無備追惟伯禹遏治之利乃復浚治散跡通利其水紹  
脩舊祀弘拓其祠使民報祈視於社稷其有徵拜州郡  
辟召皆當來辭大小有差散跡君尚饗後之人是遵是  
奉神必據焉

光和四年六月辛未造

丞陳苗陳苗夏龔叔淵左尉金城令居張德元缺有秩  
長安賈福仲鮫田亮伯南蘇熹仲夏高紺子彊蘇璋元  
興路陽子慎缺仲義蘇立仲節李邵伯孝李政寧安



王勝元超趙榮宣昌侯榮缺方趙殷仲理王弘漢侯楊

習元朮長防李万分冲景升趙濟子成但邵仲雲田芝

子村張珪子珪栢梁子順來臨選高許傾缺揚平長

方李珍伯缺丁封漢侯李和元朮范建子順呂泉文淵

田表文飾王范顯方李紀德和靳苗長南賈熙子寧任

觀缺吳楞子方張巽秀謙李衡升擢王琦威賢張脩

元載四禱元明王衍元升田謙敬讓趙慎李都劉翔進

方王頌子睢王咸秀寧梁和子陽馬選缺高營缺仲公

營遼升高郭義君思蘇禎元升閔漢國寧郭歆賢明郭  
健仲健趙嵩瑋高劔翊子翊田權彥和高盛村排揚眼  
國先賈靚子上慈仁安國張信村信

右穀阮君神祠之碑銘篆額在鄭縣靈帝光和四年  
縣令裴畢字君先立碑無縣令姓名据水經得之穀  
有二陵古稱地險盖川阜高深雨盛水集有阮以儲  
之則可以䟽泄既注而無溢溢之患自晉魏以來謂  
之五部神廟歐陽公嘗託部使者模此碑命工以麵

填其刻而鐫剔之始可讀云廟有石隄西戍樹谷五樓先生東臺御史王翦將軍之像莫可曉今碑云石隄樹谷南通商維當是有石為隄有木為谷後人因以名其神碑云前世通利吏民興貴有御史大夫將軍牧伯故為立祠考其文義蓋謂前世阮不堙塞水泉通利地產人物有至御史將軍牧伯之貴者後人不考亦以名其神爾光和之四年龍集辛酉此碑以作噩為作格者出西漢天文志碑之未有題名六十

六人云有秩長安知其皆長安人也李翕碑云衡官  
有秩李瑾倉頡碑云蓮勺左鄉有秩衛彈碑云有秩  
定陵杜則漢制有秩郡所署秩百石掌一鄉人戶五  
千則置言其官裁有秩也

隸釋

碑以彭為澎防即阮字祐即拓字

全上

右漢穀阮君神祠碑在鄭縣慶歷中樞密直學士施  
君為陝西都轉運使為余摹此本云碑文已磨滅初  
不可辨以趺填其刻稍尋其點畫命工鐫治之乃可

讀漢碑今在者類多磨滅不完故斯碑歷歷可見也  
惟裴暕姓名為鄉人鏡去矣散阮所以畜洩水患據  
碑文云自亡新以來廢之則前漢時已有之矣光和  
中暕為鄭縣令始修復之事見水經及華州圖經散  
阮君祠今謂之五部神廟其像有石隄西戍樹谷五  
樓先生東臺御史王翦將軍皆莫曉其義

集古錄

右漢隸不著書撰人名氏中條山有石隄樹谷常洩  
溢為患故立散阮泄其水注之於渭自前漢時立廟

以祠之其後阮稍埋塞廟亦毀廢後漢鄭縣令裴暉  
字君光復浚阮立廟碑以光和四年立井縣丞夏龔  
等題名者六十三人在華州鄭縣

集古  
錄目

右漢散阮君神祠碑歐陽公集古錄云散阮君祠今  
謂之五部神廟其像有石隄西戍樹谷五樓先生東  
臺御史及王翦將軍莫曉其義今此碑有云石隄樹  
谷南通商雒又云前世通利吏民興貴有御史大夫  
將軍收伯故為立祠以報其功乃知石隄樹谷御史

將軍之號自漢以來有之流俗相傳其所從來遠矣而水經鄭縣城南山北有五部神廟廟前有碑光祐四年鄭縣令河東裴畢字君先立又知五部神自齊魏間已有此號矣裴君水經以為名畢而集古錄云名暉今詳其點畫頗近畢字疑集古誤也

金石錄

漢散阮君神祠碑裴暉君光立在華州

天下碑錄

散阮祠碑陰

上閭五人

散

鵠伯鸞

缺

龍子恩梁懼伯然張叙敬升鍾乾

元遜王裴仲輔王典多讓吳中文和王肅伯雍徐相子

拒缺茂宣德張鴻子恩杜贖元載姚堂元政鼓缺多舉

孔脩仲缺

衛伯魯

閩十人

趙翔德鸞李嵩子師尹擢升

先李缺

禮史嵩君義史訇德和張裴彥輔王賢封善

靳訓彥德田珠村王史拒多升王鳳德鸞解訓元龔馬

彤仲選董衡奉德王興升侯徐補升舉

閩七人

景傳介

覽孔紀缺

文德張缺

延明李覽景豪程缺

孔臺壽翼

彥瑛吳缺

文平王蘭元臺李義孝鸞鄭續多嗣楊深多



羅缺

右郡吏名

王祺孔鸞吳楚彥林吳頌仲升王衡相如鼓常德淵灌  
珠升明張傷廣漢郭永子長分演仲塔費常伯臨藥授

傅文董

缺德和缺

信

缺相

又闕

張訓

缺

李

操弟卿王巽仲宜田昌世昌姚恪文珪長缺元和缺舊

弟才夏廣政方戴玘文直閔芳璋瑛張祺叔蓋王皓景

然張奉文鸞田俱伯俱李珏永齊趙超文林陳異子都

高廣廣寧方珪叔珪薛胡威甫救舉遂興韓高元寶尹

廣元佐王方叔段袞渡廣世

闕二

升

缺

蔣仲謀

田翁伯佑郭曙元良王

缺

叔海

田撈威甫趙撫蓋

缺來

仁伯仁馬弘阿買田式文嗣王京子京李龍升和楊常

子騫趙授保受龐龍子贛李

缺

義王哺雲甫教舅文

曜田寧叔威姚豐富

缺

楊暉進

缺

張宗宣平范甫次君

缺

子雲

闕四

顯明胡放子封王蓋蓋德李康李

邑蘇排村排蘇香伯志藉昌仲昌田嵐仁卿馬碭村碭

長冬冬生王雲文謙維羣伯羣徐位建明趙達文達李

拂漢威趙寧寧昌尹涼升和張昺子師略陽京師張寵

孟升李沆長珠徐衡仲緒杜淵季淵缺忠子信王忠長

和趙春孟春王覽文進

缺

阿

缺

又問一人

王尊長珪楊煥

子

缺

上官季弟楊道村道憲亮君謙

缺

滿顯成陽甬石

甬北宮世平楊寧長寧吳累元累許和元德劉寧寧興

劉盛子上劉奉阿奉劉興阿興劉緒長升鄭文文平素

帶村平朱長桂所

房字

張輔伯輔

缺

孟堅王遠厚興華

選孟方陳友村友潘京阿京北宮子祿朱汜伯

缺

李延

延方靳政方政車春阿春田彥彥孫慎子慎王賀元  
賀羊長阿長張選料安田高長高魚升升明趙始始昌  
楊明阿明楊陽阿陽張丙阿丙李靚孔和趙墨阿黑李  
賢阿賢張長阿長李南阿南魏騫伯信李誨元稱藥遼  
子長楊覽文博侯麟文都張僉元行王進缺楷田晉元  
臺蘇缺伯臺楊祺伯昌孫恪文敬桓敷公平范叙文彊  
劉文文載吳鴻子超趙懿子肯潘建文德雲協選和陳  
步村才朱瓊子村史容子容楊古文行缺遠子遠北宮

阿猛王劉李希

布字

張侯益都張蕃市生駱紹承先蘇都

村才馬金阿金趙覽文博車訓李訓斬彥彥平魏意

缺

熹

缺

汜文才田黑阿黑

闕一人

吳

缺

田

缺

阿羣高棕

子珪陳傾阿傾杜寔阿寔韓廣廣寧任負阿負趙澈阿

越田擢子

缺

王臺村臺田

缺

孝

缺

夏侯阿升吳道文建

王尊阿尊龍曜文曜于經升高馮羣阿羣松龍文獻吳

鳳阿鵠趙衆文德李超元德

缺

脩文和侯暘文義田寄

阿寄詹觀阿

缺

田

缺

彥賈

缺

仲

缺

又闕一人

田

缺

李

崇阿崇來嵩升高楊才達升趙長阿長龍寧阿寧帶宮

阿宮蘇永德長王忠阿忠張湘元

缺

李曜多才張蘭蘭

卿史式阿式鄭儉村節董遠升高任羣阿羣潘升阿升

楊敬阿敬田通升達嚴別阿保趙客阿生田儻阿儻龍

就多德任遷阿遷張金阿金陳奉文和高揚宣舉

缺

達

關一  
人

壽蓋阿蓋張飛秀龍賈奉阿奉王脫萬歲略

陽孝弟趙尊元敬

缺

玉

缺

瑛戴

缺

文特趙

缺

元崇夏統

子治田受子道高真子慎楊通子通張睢子升張寧子

安吳丙子升

缺

豪文賀隗益阿盛張漢子

缺

甄謀子謀

侯選子選張睢睢

缺

孫龍子

缺

趙堅子堅魏生長生金

缺

杜

缺

又闕  
一人

略陽子

缺

李偃子

缺

秦盧孔盧

楊

缺

子

缺

樂朝朝卿王炅阿炅

右散阮神碑陰三百四十二人其磨滅不可見者三

十餘字小而勁漢隸之神品也前碑之後曰有秩者

六十餘人在碑之陰則無秩可知矣其間四十人皆

字其名而繫以阿字如劉興阿興潘京阿京之類必

編戶民未嘗表其德書石者欲其整齊而強加之  
猶今閭巷之婦以阿挈其姓也又有複姓數人但云  
北宮世平夏侯阿升可見其不欲參差也靈臺碑陰  
載諸仲名字有仲東阿東及仲阿同仲阿先數人與  
此正相類

專即曼字  
他碑皆然

隸釋

右漢散阮君神祠碑陰縣吏及鄉人題名其完好可  
識者二百餘人磨滅者又百餘人小字淳勁可喜歐  
陽公集古錄所未嘗有也

金石錄



曲陽恒山廟碑

涑水又東逕恒山下廟北漢末喪亂山道不通此舊  
有下階神殿中世以來歲書法族焉晉魏改有東西

二廟廟前有碑

水經注

三公山碑

封龍君 靈山君

上開  
二字

分氣建立乾川乾爲物父川爲物母運生六子

缺

爲

缺

巨土爲山

缺

風雨天有九部地有八極天地

通

缺

神明別序州有九凶正缺成土北缺之凶缺升缺

阻上為祈首舍缺陰寶南彌三公厥體嵩厚峻極于天

鼎足帝缺二郡宗祀缺奉缺

公嘉祐缺為形北觸

石缺雲不崇而雨陰缺氛廓莫不缺德配五岳王公

昕緒四時珪璧月醮酒脯缺公降靈缺

得

志列缺羣后或在王庭輔翼聖主颺雨時降和其寒暑

年豐歲稔分武授來倉府既盈以穀士女缺得進陳

其鼎俎黃龍白帟伏左山所禽獸缺億兩為耦草木

賜茂巨飢不數下民知禁順時而取皆受德化非性能

者額明公垂恩罔極保我國君羣黎百姓缺受元恩光

和四年歲在辛酉四月缺庚戌二日甲子元氏左尉上

郡白上樊瑋字子義瑋缺要缺陵側陋出從幽谷遷

于喬木得在中州尸素食祿缺以弱缺歸于缺族缺明

缺謹缺以缺足觀聽缺道無拾遺消杆缺難路無怨

讞得應廉選貢名王室靈祇福祚施缺冊於是感恩

缺

立銘勒石乃作頌曰

儼儼明公民所瞻兮凶缺窈窕石巖巖兮高倉缺候

羣神兮興雲致雨除民患兮長吏肅恭缺心兮四時

奉祀柔稷缺兮缺用缺兮百姓家給國富段

兮仁愛下下民附親兮遐邇携負來若雲兮或有薪米

投輻檀兮或有缺鬼阻出缺兮或有缺耘兮或

有隱遁辟語言兮或有怙淡養皓然兮或有呼吸求長

存兮跂行喙息皆缺思兮缺佑樊璋出谷遷兮封侯食

邑傳子孫兮刻石紀德示後昆兮永永不缺億載平兮

舉將南陽冠軍君姓馮諱巡字季祖缺脩六經之要析

缺

出塵受命北征爲民父母攘去寇讎缺用无缺

姦缺越竟民移俗改恭肅神祇敬而不怠皇靈缺佑風

雨時節農執耜缺或耘或耔童妾壺饁敬而賓之稼穡

穰穰穀至缺錢對粟如火咸裒仁心君姿前哲喬杞季

文薦缺稂秀不爲苛煩愍俗陵遲缺咨缺山無隱士

藪無逸民裒道以德慕此缺百姓歐歌得我惠君功

參周卽受祿于天長履景福子子孫孫

關長史甘陵甘陵夏方字伯陽令京兆新豐王翊字元

輔丞河

缺

武李缺字公興缺石陟劉元存

右三公之碑隸額兩旁又有封龍君靈山君六隸字  
頗大郡國志常山國元氏注云有石塞三公塞所謂  
三公塞卽此山也石塞卽白石山也白石碑云縣界  
有六名山三公封龍靈山先得法食無極山碑載光  
和詔書出元氏錢給三公山四時祠具又云三公山  
與龍靈山無極山共興雲雨蓋封龍與靈山是兩山

之名揭其神於額之旁者即是配食三公之祠故碑中有鼎足之文也頌云儼儼明公民所瞻兮碑云願明公垂恩罔極保我國君蓋以明公稱山之神而謂國相為國君也此碑光和四年左尉樊子義立頌末有樊君徽福之句而讚美舉將馮巡幾二百言馮君乃常山相也頃者先公太師以使事為北方所留紹興癸亥年政地王次翁使至燕先公葛垣與驛中人語為覘者所得賴副留守高吉祥之力脫縲紲而歸

予之出疆也高之子嗣先相延勞以先世之故並饗  
殊從容嘗諉其訪尋中原古刻云北人所不好市無  
粥碑者及道過真定顧瞻名山三嘆而已

隸釋

碑以𠂔為𠂔𠂔為𠂔叔為𠂔秀為𠂔遲為遲歐為  
謳鼎即鼎字𠂔即𠂔字𠂔即𠂔字𠂔即𠂔字𠂔即  
壺字𠂔即懷字

全上

右漢北嶽碑文字殘滅尤甚莫詳其所載何事第其  
隱隱可見者曰光和四年以此知為漢碑耳其文斷



續不可次序蓋多言珪幣牲酒黍稷豐穰等事似是  
禱賽之文其後有二人姓名偶可見云南陽冠軍馮  
巡字季祖甘陵夏方字伯陽其餘則莫可考

集古錄

北嶽廟碑隸書不著書撰人名字文字磨滅者多不  
可悉考其中間有稱光和四年元氏左尉上郡瑋其

意若瑋被選舉而立此銘以報神貺在定州

集古錄目

右漢三公碑歐陽公集古錄有北嶽碑云文字殘缺  
尤甚其可見者云云余嘗託人於北嶽訪求前代刻

石幾盡獨無漢碑今此碑所書事及二人姓名與集  
古錄所載皆同光和四年立惟其額題曰三公之碑  
而集古以為北嶽碑豈歐陽公未嘗見其額乎三公  
者山名其事亦載於白石神君與無極山碑三山皆  
在真定元氏云

金石錄

三公山碑在真定府石氏集古以為北嶽碑金石錄

云恐歐公未見其額

漢錄  
字原

無極山碑

光和四年

缺

月辛卯朔廿二日壬子大常臣耽丞敏頓

首上

缺

尚書謹案文書男子常山蓋高上黨范遷詣

缺

為元氏三公神

缺

本初元年二月癸酉光和二

年二月戊子詔書出其縣錢給四省祠具去年五月常

山相巡遣吏王勲三

缺

弘褒詣三公山請雨山神即使

高傳言令勲褒歸

缺

雨可得三公山即與龍靈山無極

山共興雲交雨國相巡元氏令王翊各白茅塞神山復

使高與遷及縣吏和卞令俱詣大常為無極山神紫灋

食比三公山臣疑高遷言不實輒移本國缺霰令常山  
相書言却督郵書掾成熹夢訊實問熹縣令翊各言無  
極山與禿墜俱生朐上至體可三里所立石為體二丈  
五尺所政南缺上缺青下黃白色前政平可布兩大席  
山周帀廿餘左西南廿里縣界有名山其三公對龍靈  
山皆得灑食每長吏祈福吏民禱告如言有驗乞合無  
極山比三公對龍靈山祠缺七牲出用王家錢小費蒙  
大福尊神旨珪鐸為信臣愚旨為如巡言為民來福旨

祠祀為本請少府給珪璧本市祠具如癸酉戊子詔書  
故事報臣眈愚慙頓首頓首上

尚書

制曰可

大尚承書劄事

上闕

月十七日丁丑尚書令忠奏雒陽宮

光和四年八月辛酉朔十七日丁丑尚書令忠下

光和四年八月辛酉朔十七日丁丑大常眈丞敏下常

山相缺助事下承缺用者如詔書書到言

昔在禮英國有名山能昇材用興雲出雨為民來福除  
央則祀元氏縣有先嘗三公對龍靈山已得法食而獨  
朱光和四年二月所子大男蓋高上黨范遷奏記大常  
大常下郡國相南陽馮府君咨之前志缺問耆叟僉曰  
為寔神且明每國縣水旱及民疾病禱祈輒應嘗有報  
又有終南之敦物與岱崇之杙及楊詠之槎缺條蕩焉  
材用於是乎出官民於是乎給左禮秩祀有功必報今

晉無極山應灋食誠其宜瓦於是言大常奏可其年八月丁丑詔書聽其九月更造神廟懷祐祠宮置吏犧牲加制月醮皆祠禮與三山同乃立碑銘德頌山之神焉其辭曰

巖巖無極厥體巍巍萬帝危缺梯浚谷千刃缺窮窳凸隗嶙林苾毒倉氣蔚伊缺砥礪礙隄缺階淮遙望儼然即就有威觸石膚寸興雲祁祁雨我公田遂及我私百穀用成家有其資禱穰請祈應速不遲鳥獸草木

蕃茂隆缺

猥神爲之哀欽案禮典咨古遺則功

加于民官報其德今侑七牲珪璧法食改館興廟恢拓

宇室增益吏役恭君下職月醮昔祀肅植齊臺缺必博

碩酒必嘉稟粢盛馨香如禮不失額君歆享降福孔缺

官民禱祈缺密勿有吕禳解報應可必缺灋食將

祐我君我君高缺泉多子孫君其遺慶副稱額云缺

常山相南陽同軍馮巡字季祖長史潁川缺申屠缺字

缺

元氏令京北新豐王翊字元輔丞河內缺



左尉上郡白土

缺

字

缺

祠祀掾缺賢廡香

缺掾

和

缺

祠仁德掾樊泚史吳宜小吏吳黑

光和四年十月十三日

缺

石甌

缺

造

右無極山碑篆額在真定北山與三公山封龍山靈  
山白石山皆在元氏男子蓋高范遷援三公龍靈有  
請於太常乞官給珪璧四時祠具詔從之吏民更造  
廟宇而立此碑靈帝光和四年也蔡質漢官典儀曰  
司隸城門校尉上尚書言頓首上下言誠皇恐頓首

上謁者上尚書頓首死罪上下言誠皇恐頓首死罪  
上今所有者史晨樊毅兩碑皆用謁者式與蔡詵合  
惟此碑其後但再稱頓首又太常稱臣而丞不稱莫  
詳其制碑云有終南之敦物岱宗之松楊越之篠蕩  
盖以敦物為終南所產與松篠同科今經史多作惇  
物注云山之名也顏之推謂詩之有滄葦葦興雲祁  
祁當是興雨趙氏据此碑云漢以前本皆作興雲因  
顏氏改之予按左雄傳已作興雨祁祁則漢代言詩

者自不同由唐以來定本始以興雨為正非因顏氏

也

釋 隸

碑以塞為賽央為殃條為篠刀為仞番茂為蕃茂

灋即法字霰即覈字无墜即天地字刃即從字慙

即慙字柘即拓字桼即杌字叟即叟字左傳趙叟

也

上 全

右漢無極山神廟碑文字磨滅斷續然尋繹次序其

可見者尚可成文云太常臣耽丞敏頓首上尚書謹

按文書男子常山蓋高上黨范遷為元氏三公神山  
去年五月常山相巡詣山請雨山神即使高傳言白  
國縣即與封龍靈山無極山共興雲雨常山相巡元  
氏令王翊各以一白羊賽復使高與遷俱詣太常為  
無極山神索法食臣疑高遷言不實輒移本國今常  
山相巡書言郡督郵言無極山體可三里所立石為  
體長二丈五尺所山周匝二十餘里其三公封龍靈  
山皆得法食乞令無極山比三山祠牲出王家以珪

璧為信愚臣如巡言請少府給珪璧故事須報臣就  
愚聽頃首頃首上尚書制曰可尚書令忠奏雒陽宮  
太常承書從事光和四年八月十七日丁酉尚書令  
忠下太常耽丞敏下常山相其奏章如此其後遂言  
造廟事而又銘其文多不載按漢章奏首尾皆言臣  
某頃首頃首死罪死罪上尚書而此碑所載太常奏  
章首尾不稱死罪而丞敏又不稱臣莫曉其制也碑  
後又列常山官屬云常山相南陽馮巡字季祖元氏

令王翊字元輔云

六一  
題跋

右隸書光和四年太常耽丞敏表上尚書言中山男子高遷等為無極山神索法食乞少府給珪璧制曰

可後有銘辭在定州

集古  
錄目

右漢無極山碑按顏之推家訓曰詩云有淦萋萋興雲祁祁毛傳云淦興雲貌萋萋雲行貌祁祁徐也箋云古者陰陽和風雨時其來祁祁然不暴疾也按淦已是陰雲何勞復云興雲祁祁邪雲當為雨俗寫誤

耳班固靈臺詩云習習祥風祁祁甘雨此其證也據此則本作雲字之推改為雨耳而陸德明經典釋文亦云本作興雲非也蓋德明據顏氏說改之故後來本皆作雨今此碑銘文有曰興雲祁祁雨我公田遂及我私乃知漢以前本皆作興雲顏氏說初無所據特私意耳

金石錄

漢無極山碑在元氏縣西北十里無極山下建安四年立漢無極山神廟碑光和四年

天下碑錄

山有無極神祠并漢時封號隸書在真定府元氏縣

西

古今  
碑刻

封龍山碑

漢封龍山碑二在獲鹿縣南四十五里山上延熹七

年立

天下  
碑錄

封龍山碑李公緒記在北直隸真定府元氏縣西北

古今碑

刻記

封龍山一名飛龍山勢如伏龍有飛舉狀其山諸峰



曰華蓋曰熊耳曰飛首皆奇峻

白石神君碑

蓋聞經國序民莫急於禮禮有五經莫重於祭祭有二  
義或祈或報報以章德祈以弭害古先哲王顓帝禋宗  
望于山川徧于羣神建立圜域脩設壇帛所以昭孝息  
民輯寧上下也白石神君居九山之數叅三條之壹兼  
將軍之號秉斧鉞之威體連封龍氣通北嶽幽讚天地  
長育萬物觸石而出膚寸而合不終朝日而澍雨沾洽

前後國縣屢有祈請指日刻期應時有驗猶自抱損不求禮秩縣界有六名山三公封龍靈山先得法食去光  
和四年三公守民蓋高等始為無極山詣大常求法食  
相縣以白石神君道德灼然乃具載本末上尚書求依  
無極為比即見聽許於是遂開拓舊地改立殿堂營宇  
既安禮秩有常縣出經用備其犧牲奉其珪璧絜其粢  
盛旨酒欣欣燔炙芬芬敬恭明祀降福孔殷故天無伏  
陰地無羸陽水無沉氣火無灾燂時無逆數物無害生

用能光遠宣朗顯融昭明年穀歲熟百姓豐盈粟升五  
錢國界安寧介乃陟景山登崢嶸采玄石勒功名其辭  
曰

巖巖白石峻極大清明皓素質因體為名惟山降神耗  
士挺生濟濟俊乂朝野充盈災害不起五穀熟成乃依  
無極聖朝見聽遂興靈宮于山之陽營宇之制是度是  
量卜云其吉終然允臧匪奢匪儉率由舊章華殿清閑  
肅雍顯相玄圖靈像穆穆皇皇四時禋祀不愆不忘擇

其令辰進其馨香犧牲玉帛黍稷稻稂神降嘉祉萬壽  
無疆子子孫孫永永蕃昌

光和六年常山相南陽馮巡字季祖長史潁川申屠熊  
元氏令京兆新豐王翊字元輔丞河南李邵左尉上郡  
白土樊瑋祠祀掾吳宜史解徽石師王明

右白石神君碑篆額在真定靈帝光和六年立前二  
年蓋高等後三公封龍靈山請于朝為無極山得法  
食至是常山相馮巡元氏令王翊復具白石本末求

依無極為北朝廷聽許遂開拓殿宇琢石勒碑其文  
有云居九山之數參三條之一趙氏莫曉三條為何  
語按尚書正義曰從導岍至敷淺原舊說以為三條  
地里志云禹貢北條之荆山則在馮翊懷德縣南條  
之荆山則在南郡臨沮縣是舊有三條之說也故馮  
融王肅皆以導岍為北條西傾為中條啖冢為南條  
自岷山之南至敷淺原別以岷山為首不與大別相  
接則岷非三條也散阮碑云中條之山者蓋華嶽之

體南通商雒以屬熊耳其文與正義合漢人分隸固有  
不工者或拙或怪皆有古意此碑雖布置整齊略無纖毫  
漢字氣骨全與魏晉間碑相若雖有光和紀年或後人用  
舊文再刻者爾

釋隸

碑以番昌為蕃昌拓即拓字

同上

右漢白石神君碑其畧云白石神君者居九山之數  
參三條之一兼將軍之號秉斧鉞之威體連封龍氣  
通北嶽幽讚天地長育萬物觸石而起膚寸而合不

終朝日而澍雨沾洽自前後國縣屢有祈請指日刻期應時有驗猶自抑損不求禮秩縣界有六名山三公封龍靈山得法食去光和四年三公守民蓋高等始為無極山詣太常求法食相縣以白石神君道德灼然乃具載本末上尚書求依無極即蒙聽許於是遂開拓舊兆改立殿堂其餘首尾尚皆完好可讀文多不備載其曰居九山之數參三條之一莫曉為何

語也

金石錄

白石山碑山名白石漢封白石神君有碑刻甚古在

真定府元氏縣西北

古今碑刻記

白石神君碑并陰八分書光和六年立今在無極縣

後有燕元璽三年題名元璽慕容雋號

金石文字記

### 彭山廟碑

小洹水逕彭山西下有彭山廟廟前有彭山碑漢桓

帝元嘉三年杜仲長立

水經注

### 八都神廟碑



在鎮州元氏縣西北二十里廟壇下光和中立

天下  
碑錄

立教院君神祠碑

華州

金石  
略



六藝之一錄卷三十八

欽定四庫全書

子部

六藝之一錄卷三十九  
四十

詳校官中書臣陸 湘

貢外郎<sub>臣</sub>牛稔文覆勘

總校官檢討<sub>臣</sub>何思鈞

校對官中書<sub>臣</sub>陸 湘

謄錄監生<sub>臣</sub>徐 瑤

欽定四庫全書

六藝之一錄卷三十九

錢唐倪濤撰

石刻文字十五

沛縣漢高祖廟碑

沛縣有漢高祖廟前有石碑後漢立廟基以青石

為之階陛尚存

水經注

泗水亭高廟碑

泗水南逕小沛縣東岸有泗水亭漢祖為泗水亭長

即此亭也故亭今有高廟廟前有碑延熹十年立廟

闕崩褫畧無全者水中有故石梁處遺石猶存

水經注

漢高祖感應碑

在豐縣北延熹十年豐令劉疊立

天下碑錄

許由廟碑

潁川箕山有許由廟碑闕尚存是漢潁川太守朱寵

所立

水經注

二妃祠碑

湘水上黃陵廟民為立祠於水側荊州牧劉表刊石

立碑樹之於廟

水經注

比干墓碑

朝歌縣牧野有殷大夫比干冢前有石銘題隸云殷大夫比干之墓所記惟此今已中折不知誰所誌也

水經注

夷齊廟碑

首陽山上有夷齊廟廟前有二碑並是後漢河南尹

廣陵陳遵雒陽令徐循與處士平原蘇騰南陽何進

等立

水經注

汲縣太公廟碑

縣故汲郡治城西北有石夾水飛湍濬急也人亦謂之礮溪言太公常釣於此也城東門北側有太公廟廟前有碑碑云太公望者河內汲人也縣民故會稽太守杜宣白令崔瑗曰太公甫生於汲舊居猶存君與高國同宗太公載在經傳今臨此國宜正其位以

明尊祖之義於是國老王喜廷掾鄭篤功曹邵勤等

咸曰宜之遂立壇祀為之位主

水經注

太原介子推廟碑

汾水西逕晉陽城南舊有介子推祠前有碑廟宇傾

頽唯單碑獨存矣今文字剥落無可尋也

水經注

楚相孫叔敖碑

楚相孫君諱饒字升敖本是縣人也六國時期思屬楚

楚都南郢南郢即南郡江陵縣也君受純靈之精懷絕

世之才有大賢次聖之質少見拔首蛇對其母泣曰吾將  
死母問其故曰吾聞見拔首蛇者死今日見之母曰若  
奈之何吾然行數十步念獨吾死可恐復令他人見之  
死為曰埋掩其荆母曰若無憂焉其陰德玄善遂為父  
母九族所異及其為相布政以道孝文象之度敬授民  
時聚藏於山殖物於藪宣導川谷波障源淥溉灌坂澤  
堤防湖浦以為池沼鍾天地之美收九罙之利以懸潤  
國家家富人喜優咯樂業棧序在朝壁無螾餼豐年蕃



庶人有曾閔貞孝之行四民美好從害中節高樞改幣  
一朝而化其憂國忘私乘馬三車不別牝牡繼高陽重  
藝五舉子文之統其忠信廉勇禮樂文章軌儀同制其  
富國充民明天時盡地力寔堅禹稷不能踰也專國權  
寵而不榮莘一旦可得百金至於歿齒而無分銖之蓄  
破玉玦不以寶財遺子孫終始若夫去不善如絕紉辟  
患害於無刑衛節高義敦良奇分自曹臧孤竹吳札子  
牢之倫不能驂也生於季末仕於靈王立溷濁而造清

霞幽昏而照明其遺武餘與恨不與滅皇帝代同世世  
為列姪國在朝廷其意常墨墨若冠章甫而坐塗炭也  
病甚臨卒將無棺郭令其子曰優孟曾許千金貸吾孟  
楚之樂長與相君相善雖言千金實不負也卒後數平  
庄王置酒以為樂優孟乃言孫君相楚之功即忼慨荷  
歌曲曰貪吏而可為而不可為廉吏而可為而不可為  
貪吏而不可為者當時有汙名而可為者子孫以家成  
廉吏而可為者當時有清名而不可為者子孫困窮投

祠而賣薪貪吏常苦富廉吏常苦貧獨不見楚相孫荊

敖廉絜不受錢涕泣數行若

闕

首王王心感動覺悟問

孟孟具列對即求其子而加封焉子辭父有命如楚不

忘臣社稷

闕

而欲有賞必於潘國不濕境堉人所不貪

遂封潘鄉潘即固始也三九無嗣國絕祀廢固始令段

君夢見孫君則序其後就其故祠為架廟屋立石銘碑

春秋烝嘗明神報祚即歲遷長掖大守及期思縣宰段

君諱光字世賢魏郡鄴人庶慕先賢體德允恭篤古尊

舊奉履憲章欽翼天道五典興通文藉祭

闕

志在惠康陞枯粟之愛育藜

闕

杜偽養善是忠表仁感想孫

闕

勤勤愛敬念意自然刻石銘

闕

福祐期思縣興士熾孫氏

闕

漢延熹三年五月廿八日立

右楚相孫君之碑隸額今在光州延熹三年固始令

段光為叔教作廟所立昔楚莊王朝而晏罷樊姬因

言虞邱子之非虞邱乃薦叔敖代已而去楚國區區  
前有虞邱後有叔敖其內又有樊姬莊王雖欲不霸  
得乎左氏傳載薦叔敖為父獵杜預皆以為叔敖它書  
但云孫叔敖此碑獨言其名饒未知何據高相改弊  
乃孫叔革故易俗之事左傳所云君子小人物有服  
章亦是類也蛇有二首謂之枳首枳讀如枝亦曰岐  
首此云技首蓋是借用鼃錯倪寬史家亦用朝與兒  
字此以伍舉作五舉以庭堅作霆堅豈古亦通用乎

孫叔以忠清相楚不以寶財遺子孫玉玦尚猶破之  
蓋季文子公儀休之倫也云亡未幾妻子至於披褐  
賣薪楚廷非無左右大臣塗其耳而不聞卷其舌而  
不談慷慨悲歌感悟主聽乃一伶人爾豈樊姬已死  
而叔敖薦進之士不逮虞邱乎三九無嗣者無相繼  
為三公九卿也

釋隸

碑中以刑為形以波為陂以栳為式以貸為贊以  
藥為黎以驂為參以墨為默以郭為槁以長掖為

張掖泉添水而為淥澤去水而為葦又庾即質字  
聚即聚字喀即游字墅即野字蟻即螟字霞即處

字塗即塗字遷即遷字鰈即鰈字

全上

汝水東逕固始縣故地北地里志縣故寢也孫叔敖  
以上浸薄取而為封故能綿嗣城北猶有孫叔敖碑  
建武二年司空李通又慕叔敖受邑故光武以嘉之

更名固始

水經注

期思縣城之西北隅有楚相孫叔敖廟廟前有碑

水經

注

右漢孫叔敖碑云名饒字叔敖而史記不著其名而見於他書者亦皆曰叔敖碑而已徵斯碑後世遂不復知其名饒也此碑世亦罕傳余以集錄二十年間求之博且勤乃得之然則世之未見此碑者猶不知為名饒也謂予集古為無益可乎

集古錄

右漢隸不著書撰人名氏叔敖事迹著於史傳然皆謂之叔敖而已獨此碑言其名饒叔敖乃字也其他



事迹與史傳同延熹三年期思令光碑亡其姓為之立廟

及此碑在光州

集古錄目

楚相孫叔敖碑漢延熹三年五月二十八日立固始縣令段君夢見因故祠架廟堂屋以存其後故列於斯又按叔敖相楚其事著於列子莊子左氏呂氏春秋賈子說苑等書太史公作史記不詳見而此碑當桓帝時能自敘列又多異聞疑當時自有書以傳可得据而成之今考史記優孟為叔敖衣冠抵掌談語

其歌曰山居耕田苦難以得食起而為吏身貪鄙者  
餘財不顧耻辱身死家室富又恐受賕枉法為姦觸  
大罪身死而家滅貪吏安可為也念為廉吏奉法守  
職竟死不救為非廉吏安可為也楚相孫叔敖持廉  
至死方今妻子窮困負薪而食不足為也於是莊王  
謝優孟召叔敖子封之寢邱至碑則曰叔敖病甚臨  
卒將無棺槨令其子曰優孟曾許千金貸吾孟楚之  
樂長與相君相善雖言千金實不貸也卒後數年莊

王置酒以為樂優孟乃言孫君相楚之功即忼慷高  
歌曰貪吏而可為而不可為廉吏而可為而不可為  
貪吏而不可為者當時有污名而可為者子孫以家  
成廉吏而可為者當時有清名而不可為者子孫困  
窮衣褐而賣薪貪吏常苦富廉吏常苦貧獨不見楚相  
孫叔敖廉潔不受錢涕泣數行王心感動覺悟問孟  
孟具列對而求其子封於潘國下濕境堦人所不貪  
遂封潘鄉潘鄉即固始碑史於文雖異其謂因困窮

而後封者則同也昔叔敖曰楚人鬼而越人戡可常有者惟寢邱至其後猶子孫守之似不因其困窮而受封況寢邱自是叔敖所命於其子者子孫能守不廢又何至乞食優孟而後求封此地哉皆不可信也歐陽公嘗言非此碑不知叔敖名饒余求於書自漢安順後諸儒鄉霹虛造無所檢括競為異說使學者竒偉所聞樂附從之如伏生為勝毛公為萇子賤為宓此皆西漢所不書也其應劭謂公羊為高穀梁為

赤阮孝緒以穀梁為倣沈以仲叔名貢此不得知也  
至不知其時則又妄論之矣何休以公羊漢初人麋  
信以穀梁當秦孝公時而西漢皆謂子夏門人如此  
者衆也不知何考之焉啖助曰西漢諸儒猶不能定  
其時代及名字而後代妄為記錄此碑所謂叔敖名  
饒余於此則有疑焉

廣川  
書跋

楚相孫君碑不見書撰人名氏考史記本傳列於循  
吏之首獨載改幣高梱事為詳而碑則略之埋蛇陰

德僅書於劉向新序屬子云云則在優孟傳然其文  
意皆不同碑謂生於季末仕於靈王則謬矣且莊之  
後為共為康為邾教歷三世凡五十年始為靈安得  
仕於靈卒後數年而莊復封其子邾六一先生跋喜  
其得叔教之名兼以集錄二十年求之博且勤乃得  
之故不暇訂正耳

劉昌詩蘆  
浦筆記

此碑見於水經注言在期思縣城西北隅楚相孫叔  
敖廟前然作文之人似不曾見春秋史記者其文云

叔敖為相庶人有魯閔貞孝之行叔敖相楚莊王乃  
魯宣公時而魯閔二子魯定哀間人當楚昭王惠王  
之世援後贊前已為不順又云繼高陽重黎伍舉子  
文之統則大可異伍舉乃靈王時人在叔敖後四五  
十年而郢之戰叔敖所斥嬖人伍參即舉之父乃云  
繼其統何耶又云仕於靈王又云卒而莊王封之按  
春秋莊王子共王共王子康王靈王今反以靈王在  
莊王之前可謂目不知書者矣

金石文  
字記

孫叔教碑陰

延熹三年歲左

闕

中夏之節政左封表期恩長光視

事一紀訪問國中耆年舊齒素聞孫君楚時良輔本起

屯邦垂名於後博求遺苗胃玄孫子考龜吉辰五月辛

卯宜以存廢可立碑祀招請諸孫都會國右郭西道北

霞所顯好興上宰祭倡優鼓儺式序其胄授之端首光

以不肖貪追賢烈以自榮寵時丞左馮翊姓如諱武尉

京兆周陵詳集共造戶曹掾裒騰令史許松

闕

相君有



三嗣長子即封食邑固始少子在江陵中子居三

闕雲

襲

闕

業績林二宗則其苗胄也相君卒後十有餘世有

渤海太守字武伯武伯有二子長子字伯尉少子字仲

尉仕郡為掾吏伯尉有一子字世伯舉江夏孝廉城門

侯仲尉有二子長子字孝伯荊州從事弟世信仕

闕掾

功曹會焉哀之間宗黨為賊寇所敎世伯孝伯世信各

遺一子財八九歲微弱不能仕學世世伯子字子仲治

產於績雲有六男一女大子字長都次子蘭卿次弟字

仲陽次弟字村通次弟字衛公次弟字劉卿宅續宗六  
父也孝伯子字文闕亦不仕學治產於材靈亦有六男  
一女大子字惠明次弟字次卿次弟字聖公次弟字稚  
卿次弟字產卿次弟字少都宅材宗六父也世信一子  
相承季陵文卿孝公宅闕靈一父別其高祖與材高祖  
父親兄弟孫氏宗族別闕誼紀也

右孫叔教陰碑此陰與前碑皆延熹三年五月所作  
前云臨縣一載此云視事一紀蓋以一紀為一年爾

段光宦君子之鄉懷良輔之美訪問耆舊博求遺苗  
卜擇今日興廟植碑招集諸孫倡樂高會又以其雲  
來長幼之序仕學生產之實刻於碑之陰雖自譜其  
家者亦不如是之詳也

釋隸

績即繚字敘即殺字謚即譜字

全上

右孫叔敖碑陰云延熹二年仲夏之節政在封表期  
思長光視事一紀訪問國中耆年素聞孫君楚時良  
輔又云博求遺苗曾玄孫子考龜吉辰五月癸卯宜

以存廢可立碑祀招請諸孫都會國右郭西道北處  
所顯好與上宰祭倡優鼓舞又云相君有三嗣長子  
即封食邑固始少子在江寧中子居三

下一字  
席咸

又云

相君卒後十有餘世有渤海太守其後歷敘子孫名  
字甚詳而文字斷續不可次第按期思長光碑陰不  
載姓氏叔教碑雖有之然已殘缺矣漢時令長有在  
官一紀不遷者乃知前世官吏重於移易如此不惟  
吏民免送迎之擾而士人亦皆安於其職無僥倖苟

進之心與後世異矣

金石錄

季札子碑

奉高縣有吳季札子墓季札聘上國喪子於嬴博之間即此處也前有石銘一所漢末奉高令所立無所述敘標誌而已自昔常蠲民戶洒掃之今不能然碑石糜碎靡有遺矣唯故趺存焉

水經注

宛城范蠡祠碑

宛縣城側有范蠡祠蠡宛人祠即故宅也後漢末有

范曾字子閔為大將軍司馬討黃巾賊至此祠為蠡  
立碑文勒可尋夏侯湛之為南陽又為立廟焉

水經注

汨羅屈原廟碑

汨水又西為屈潭即羅淵也屈原懷沙自沉於此故  
淵潭以屈為名昔賈誼史遷皆嘗逕此弭節江陂投  
弔於淵淵北有屈原廟廟前有碑又有漢南太守程  
堅碑寄在原廟

水經注

四皓碑

三輔舊事云漢惠帝為四皓作碑於其所隱處此神

坐及胙儿豈亦當時所立耶

東觀  
餘論

#### 四皓神位刻石

右四皓神位神胙儿刻石四在惠帝陵旁驗其字畫  
蓋東漢時書按顏師古匡謬正俗引圜稱陳留風俗  
傳自序云圜公之後圜公為秦博士避地南山漢祖  
聘之不就惠太子即位以圜公為司徒自圜公至稱  
十一世按班固述四皓但有圜公非圜公也云當秦

之時避地入商洛深山則不為博士明矣又漢初不置司徒安得以圜公為之乎稱之說實為鄙野余嘗疑稱著書自述其世系不應妄誕如此及得四皓刻石見其所書亦為圜公乃知稱所述果非臆說蓋當時所傳如此爾至謂圜公為秦博士及惠帝時拜司徒者疑無所據也

金石錄

四皓之目始見於法言及漢書王貢傳序相承讀之曰園公曰綺里季曰夏黃公曰角里先生前賢未始



有異故王黃州元之在汝州有詩云未必頸如樗里  
子也應頭似夏黃公而畢文簡公嘗譏評之以謂不  
當云夏黃公蓋杜子美詩云黃綺終辭漢謂之黃綺  
則四皓之目宜曰園公曰綺里季夏曰黃公曰角里  
先生也僕初亦以為然蓋逸少有尚想黃綺帖陶淵  
明詩亦曰黃綺之南山又曰且當從黃綺皆可以為  
証然近歲商於耕夫得漢世石刻數種有云園公神  
坐綺里季神坐角里先生神坐又各有神胙机皆漢

人隸書其號不應誤則與文簡之說異矣當以石刻為正宜從舊目則前人所謂黃綺者特各取一字以目二人不必皆其首字也又園公石刻乃為園公蓋二字音文為近或冊牘傳寫之差亦當以園為是按顏師古匡謬正俗有園稱陳留風俗傳自序云園公之後園公為秦博士避地南山漢祖聘之不就惠太子即位以園公為司徒以是書證之園姓愈曉然矣今尚有園姓者姓氏之書多以園為園公之後此又

可證云

東觀  
餘論

神坐西漢所書鑿石為位以為祭也一曰園公神坐  
二曰綺里季神坐三曰夏黃公神坐四曰角里先生  
神坐重畫深鑿其書甚完知漢人去秦不遠其相傳  
必不誤昔王元之在汝水以詩寄畢文簡曰未必頭  
如樗里子也應頭似夏黃公文簡謂綺里季夏當為  
一人黃公其別一人也元之檢諸書得陶淵明洎唐  
人詩皆言黃綺如李白輩亦如此即改去此詩然世

亦竟傳自是人皆以文簡為据余得四皓神坐知元  
之非誤但昔人論四皓或言園綺或曰綺夏不必盡  
舉首字取之順則用之或淵明自讀作綺里季夏不  
可知也周燮曰追綺季之蹟世說曰綺季東園公夏  
黃公角里先生謂之四皓姓書有綺里先生季其字  
也則為夏黃公無可疑者風俗通楚鬻熊之後為圜  
考之陳留志圜公自是秦博士周庚以常居圜中故  
謂圜公昔圜稱撰陳留風俗記蔡邕集有圜典魏有

園文生皆其後也古者角與祿同文故樂書作觶鄭  
康成於禮角皆作祿陳留志作角唐李涪常辨之

廣川

跋書

右四老神坐神胙机凡四揚子雲法言曰美行園公  
綺里季夏黃公角里先生班孟堅叙近古逸民與揚  
子同陳留志云園公姓庾字宣明常居園中因以為  
號夏黃公姓崔名廣隱居夏里號曰黃公角里先生  
姓周名術或曰霸上先生皇甫謐之徒說又相戾故

顏師古注漢書悉棄不取陶淵明詩有曰黃綺之商  
山杜子美詩有黃綺終辭漢之句似亦以夏為地名  
也惟圜稱陳留者舊傳自序云圜公為秦博士避地  
南山惠太子以為司徒至稱十一世此刻有圜公神  
坐及神胙机則圜公蓋有所據也此四人者神坐及  
胙机當各有之今綺季角里尚闕其一而黃公者未  
見傳者云數十年前商於農人耕地得此

洪氏  
隸釋

漢廣野君酈食其廟碑

睢水東逕高陽故亭北有漢廣野君廟碑延熹六年  
十二月雍邱令董生仰餘徽於千載遵茂美於絕代  
命縣人萇照為文用章不朽之德其畧云輟洗分餐  
諮謀帝猷陳鄭有涿鹿之功海岱無牧野之戰大康  
華夏綏靜黎物生民以來功盛莫崇今故宇無聞而

單碑介立矣

水經注

陽渠水東流逕漢廣野君廟食其廟南廟在北山上  
成公綏所謂偃師西山也山上舊基猶存廟宇東面

門有兩石人對倚北石人胸前銘曰門亭長石人西  
有二石闕雖經頽毀猶高丈餘闕西即廟故基也基  
前有碑文字剝缺不可復識子安仰澄芬於萬古讚  
清徽於廟像文字備厥集矣

全上

張公神碑

惟和平元車正月

闕

朝歌長鄭梈造

闕

張公建

闕

良

闕

之山運置綦陽刊螭涿摩立左右闕表神道

闕

豎碑

廟堂之前到五月

闕

乃成長

闕

之銘勒神懿光祕



後昆其辭曰

於穆張公舍和泰清受符皇極乾剛川靈何天之休元

亨利貞無

闕

貴神耀洞

闕

度

闕

泉殷商北垆鬱朝

綦陽厥土敞平芝草茂木瀟瀟滋榮羣萌勲奠激川通

闕

懷

闕

廟克儉損益詔命有司

祭以中牲歲聿再慶公其饗零興來億載歷數萬君

闕

太

闕

顯猶昭拂英勲

闕

錫兮福惠此

吏民國無灾寢屢獲豐

闕

皇帝眉

壽干祿於天牧守皆升握台輔辰長與丞尉超遷相曰

休

闕

烈烈無

闕

臨犁陽營謁者李君畏敬公靈好

鄭長文徹奉佐工悃惓勤

闕

吏

闕

熹且惶作歌

九章達李君

闕

頌公德芳其辭曰

綦水湯湯揚清波東䟽

闕

折

闕

于河

闕

朝歌

縣以絜靜無穢瑕公

闕

守相駕蜚魚往來悠忽遂熹娛

祐此北民寧厥居

闕

出自綦

闕

松柏鬱茂蘭公

闕

神往來乘浮雲種德收福惠斯民家饒戶富無

闕

貧盡累寡靜和睦

闕

朝歌蕩陰及犂陽三女所處各

殊方三門鼎列推其鄉時攜甥舅歸候公夫人

闕

容

闕

饗

闕

觴穆風屑兮起壇旁樂吏民永未

央

闕

鹿嘯嘯兮

闕

庭文樂樂兮

闕

飲清泉兮

闕

見

闕

伏兮不駭驚惟公德兮之町寧上陵廟兮助

三牲天時和兮甘露冷日晡

闕

兮無虧傾

闕

蜚兮朱

鳥棲

闕

榮兮鳴喈喈戴鵠勦兮乳徘徊給御兮敲

于西惟公德兮之所懷

闕

池水

闕

兮釣臺祭四角樓兮

臨深澗魚岌岌兮踊躍見振鱗尾兮游肝肝時釣取兮

給享獻惟公德兮之所衍闕栗蕭叶兮藁鋪陳新美萌

兮香苾芬蕙草生兮滿園田競苔茗兮給萬錢惟公德

兮之所闕門堂鬱兮文耀光公神赫兮坐東方明暴

視兮儼叩叩夫人闕女兮列在旁陳君霞北兮從官闕

車騎絡驛兮交錯重乘輓輶兮駕飛龍驂白鹿兮從仙

僮游北嶽兮與天通闕玄碑既立雙闕建兮闕

大路畔兮亭長閣闕扞難兮列種槐梓方茂爛兮天

下遠近

闕

不見万公神日著聲洞漏兮

闕

乾川傳億

萬兮

闕

臨犂陽營謁者

豫章南昌李朝伯丞左馮翊夏陽趙寵德雅朝歌長頴

川陽城鄭彬伯林左尉京北

下闕

水陽里郭虞子

下闕

扶風安陵

闕

邵公霞士魏郡

闕

封

闕

仲舉霞士魏郡

犂陽

下闕

右張公神碑隸額在犂陽威宗和平元年立碑云朝

歌長鄭彬為張公建闕作碑銘勒神懿監犂陽營謁

者李君好鄭之文既徹俸佐工又作歌九章刻之石  
鉞剥不明僅能辨其梗槩其辭依放離騷頗亦道雅  
可觀詩中再稱其夫人又云朝歌蕩陰及黎陽三女  
所處各殊方三門鼎列推其鄉時攜甥幼歸候公不  
知張公是何神也漢志注云世祖以幽并州兵騎定  
天下故於黎陽立營以謁者監之

釋隸

碑以綦為淇涿摩為琢磨勦為巢僮為僮漏為徧  
盈即盈字慶即薦字宀即宗字从水之字皆作篆

文全

右漢張公廟碑在黎陽而碑無題首又其文字殘滅不可考究莫知為何碑第時時得其字之可識而僅成文者曰惟和平元年正月丙寅和平桓帝年號以此知為漢碑也又曰豐碑廟堂之前又曰於穆張公則又知為張公廟碑矣又曰國無災棺屢獲豐年作歌九章頌公德芬其辭有云公與守相駕飛魚往來倏忽遂熹娛祐此兆民寧厥居其餘字畫尚完者甚

多但不成文爾

集古錄

右隸書不著書撰人名氏字多訛缺雖字迹粗可見而不復文其間有銘辭凡二首漢朝歌長鄭柳以和平元年為張公立碑於廟又為監黎陽營李君作歌九章同刻其後又有李君等題名亦訛缺不可辨矣

在黎陽

公上

漢張公神碑在通利軍衛縣和平元年立

天下碑錄

漢光武皇帝碑



在汝州汝墳鎮

天下碑錄

漢章帝北巡至高邑光武亦即位於此有石壇壇有

珪頭碑即帝建在高邑

寰宇記  
趙州

漳河神壇碑

鉅鹿縣銅馬祠側有碑述河內修武縣張導字景明  
以建和三年為鉅鹿太守漳津汎濫土不稼穡導披  
按輿圖與丞彭叅掾馬道嵩等原其逆順揆其表裏  
修防排通正水路功績有成民用嘉賴題云漳河神

壇碑而俗老者儒猶揭斯廟為銅馬劉神寺是碑項  
因震裂餘半不可識矣

水經注

王子喬碑

薄城有王子喬碑冢側有碑題云仙人王子喬碑曰  
王子喬者蓋上世之真人聞其仙不知興何代也博  
問道家或言潁川或言彥蒙初建斯域則有斯邱傳  
承先民曰王氏墓暨于永和之元年冬十二月當臘  
之夜上有哭聲其音甚哀附居上王伯怪之明則登

而察焉時天鴻雪下無人徑有大鳥迹在祭祀處左  
右咸以為神其後有人着大冠絳單衣杖竹立冢前  
呼採薪孺子伊永昌曰我王子喬也勿得取吾墳上  
樹也忽然不見時令太山萬熙稽故老之言感精瑞  
之應乃造靈廟以休厥神於是好道之儔自遠方集  
或絃琴以歌太一或譚思以歷丹田知至德之兆寔  
真人之祖先延熹八年秋八月皇帝遣使者奉犧牲  
致禮祇懼之敬肅如也國相東萊王章字伯義以為

神聖所興必有銘表乃與長史遶乾遂樹之玄石紀  
頌遺烈觀其碑文意似非遠既在逕見不能不書存

耳

水經注

仙人唐公房碑

君字公房成固人蓋帝堯之

闕

之故能舉家

闕

去上陟皇耀統御陰陽騰清

躡浮命壽無疆雖王公之尊四海之富曾

闕

毛天地之性斯其至貴者也耆老相傳以為至英居攝

二奉君為吏部

闕

土域啖瓜商有真人左右莫

察而君獨進美瓜又從而敬禮之真人者遂與

闕

期

谷口山上乃與君神藥曰服藥以後當移意萬里知烏

獸言語是時府在西成去家七百餘里休謁狹轉景

即至闔郡驚焉白之府君從為御史聶輒車被具君

乃畫地為獄召聶輒誅之視其腹中果有被具府君

闕

賓燕欲從學道公昉項無所進府君怒勅尉部史收公

昉妻子公昉乃先歸吟谷口呼其師告以危急其師與

之歸以藥飲公昉妻子曰可去矣妻子戀家不忍去又  
曰豈欲得家俱去乎妻子曰固所願也於是乃以藥塗  
屋柱飲牛馬六畜須臾有大風玄雲來迎公昉妻子屋  
宅六畜脩然與之俱去昔高松崔白皆一身得道而公  
昉舉家俱潛盛矣傳曰賢者所存澤流百世故使犴鄉  
春夏毋蚊蝓秋冬鮮繁霜厲蟲不遐去其螟貘百穀收  
入天下莫知斯德祐之效也道牟羣仙德潤故鄉知德  
者鮮歷世莫紀

闕

漢中大守南陽郭君諱芝字公

載脩北辰之政馳周邵之風歌樂唐君神靈之美以爲  
道重者名邵德厚者廟尊乃發嘉教躬捐奉錢倡率羣  
義繕廣新廟闕和祈福布之兆民刻石昭音揚君靈譽  
其辭曰

上闕遂享神藥超浮雲兮下闕

碑陰

故江陽守長成固楊晏字平仲東部督郅成固左介字  
元衡故江陽守長南鄭楊銀字伯慎處太南鄭祝龜字

元靈司徒掾南鄭祝揚字孔達處本南鄭祝岱字子舉  
故益州從事南鄭祝忱字子文處本南鄭祝恒字仲舉  
處本南鄭祝朗字德靈處本南鄭祝崇字季舉太守南  
鄭祝榮字文舉太守史南鄭趙英字彥才處本南鄭劉  
通字海闕故襄中守尉南鄭趙忠字元楚闕南鄭楊  
鳳字孔鸞

右仙人唐君碑篆額漢中太守郭芝立今在興元唐  
君字公房王莽時人也博物志云城固縣壻鄉有唐



公昉得道雞犬皆升仙惟以鼠有惡不得去鼠自悔  
每月一吐其腸胃更生謂之唐鼠搃仙錄所引博物  
志又云鼠至空中自墮腸出一月三易故山中有拖  
腸鼠水經云智水川有唐公房祠公房入雲臺山合  
丹服之白日升天雞鳴天上狗吠雲中以鼠惡留之  
鼠乃感激以月晦日吐腸胃更生公房升仙之日壻  
行未還不獲同階雲路約以此川為居無繁霜蛟虎  
之患故其俗因號為壻鄉二說惟鼠事小異神仙錄

則云神仙李八百為公房家傭偽作惡瘡使公房夫婦及三婢舐之又索美酒三十斛浣瘡因以餘酒飲公房夫婦顏色更少授以丹經一卷公房入雲臺山作藥藥成服之仙去其說皆異唯鍊丹雲臺與水經同爾後漢志云褒中有唐公房祠蓋隸法房字其戶在側故人多不曉或作防或作昉皆誤也

隸釋

英即莽字聲即壻字聲即鼠字聲即應字

全上

智水川有唐公祠唐君字公房城固人也學道得仙

入雲臺山合丹服之白日升天雞鳴天上狗吠雲中  
唯以鼠惡留之鼠乃感激以月晦日吐腸胃更生故  
時人謂之唐鼠也公房升仙之日壻之行未還不獲  
同階雲路約以此川為居言無繁霜蛟虎之患其俗  
以為神因號為壻鄉故水亦即名焉百姓為之立廟  
於其處也刊石立碑表述靈異也

水經注

右漢公昉碑者迺漢中太守南陽郭芝為公昉修廟  
記也漢碑今在者類多磨滅而此記文字僅存可讀

所謂公昉者初不載其姓名但云君字公昉爾又云  
耆老相傳以為王莽居攝二年君為郡吏啖瓜旁有  
真人左右莫察君獨進美瓜又從而敬禮之真人者  
遂與期谷口山上乃與君神藥曰服藥以後當移意  
萬里知鳥獸言語是時君去家七百餘里休謁往來  
轉景即至闔郡驚焉白之府君徙為御史鼠齧被具  
君乃畫地為獄召鼠誅之視其腹中果有被具府君  
欲從學道項無所進府君怒勅尉部吏收公昉妻子

公昉呼其師告以厄其師以藥飲公昉妻子曰可去  
矣妻子戀家不忍去於是乃以藥塗屋柱飲牛馬六  
畜須臾有大風雲來迎公昉妻子屋宅六畜倏然與  
之俱去其說如此可以為怪妄矣嗚呼自聖人歿而  
異端起戰國秦漢以來奇辭怪說紛然爭出不可勝  
數久而佛之徒來自西夷老之徒起於中國而二患  
交攻為吾儒者往往牽而從之其卓然不惑者僅能  
自守而已欲排其說而黜之常患乎力不足也如公

昉之事以語愚人豎子皆知其妄矣不待有力而後能破其惑也然彼漢人乃刻之金石以傳後世其意惟恐後人之不信然後世之人未必不從而惑也

題下註云一作仙人唐君碑歲月未詳

集古錄

公昉碑不著書撰人名氏公昉成固人碑不書其姓名公昉乃字也耆舊相傳云公昉以王莽居攝中及其妻子室屋牛馬皆升天後漢漢中太守郭芝修其

廟立此記不知所立年月在興元

集古錄目

君子公昉碑此碑巴郡漢中太守郭芝立石碑祠下  
書其事者余見其已異也昔公昉以藥塗屋柱飲牛  
馬六畜脩然與之俱逝神仙變怪不可以常理論之  
然雞犬皆仙昔淮南王安或為其說如此余見淮南  
以罪誅死知其為說者妄也公昉事雖增異矣然可  
以不信者於事則得為概見也昔葛稚川謂仙人可  
以盡求其言劉向所說列仙傳自刪秦大夫倉書中  
出之洪又采其遺者中黃仙人石光康鳳子崔文劉

元藥子長李文尹子張子和王柱董君異衛叔卿梁伯而謂李八百為唐公昉作傭客後八百偽病公昉為廢數千萬不以為損又作惡瘡公昉與其妻妾舐之其瘡盡愈以丹經授公昉公昉入雲臺山中合丹丹成仙去洪之傳如此不聞其與六畜俱逝然碑立於漢而洪為書在後洪不取此知其謬也洪嘗論藥可飲牛馬鳥獸令其不死則如公昉事正洪所欲得而不以言則知當無其傳彼果有傳人亦不以信也



抑雖稚川好奇亦不謂其傳可信耶大抵世人喜道

怪然理之所在可以考也

廣川書跋

漢仙人唐公昉飛昇有碑剥落在陝西漢中府城固

縣

古今書刻

### 汝南張明府祠碑

汝南城南里餘有神廟世謂之張明府祠水旱之不  
節則禱之廟前有碑文字紊碎不可復尋碑側有小  
石函今按桂陽先賢畫讚臨武張熹字季智為平輿

令時天下大旱熹禱雩未獲應熹乃積柴自焚主簿  
崇小史張化從熹焚焉俟火既燎天靈感應即澍雨

此熹自焚處也

水經注

枝江王子香祠銘

枝江縣有陳留王子香廟子香於漢和帝之時出為  
荊州刺史有惠政天子徵之道卒枝江亭中常有三  
白虎出入人間送喪踰境百姓追美甘棠以永元十  
八年立廟設祠刻石銘德號曰枝江白虎王君其子

孫至今猶謂之白虎王

水經注

符縣女絡碑

江水逕符縣下北入江縣長趙祉遣吏光尼和以永  
建元年十一月詣巴郡沒死成濡灘子賢求喪不得  
女絡年二十五歲有二子五歲以還至二年二月十  
五日尚不得喪絡乃乘小船至父沒處哀哭自沈見  
夢告賢曰至二十一日與父俱出至日父子果浮出  
江上郡縣上言為之立碑以旌孝誠也

水經注

孝女叔先雄父泥和墮湍水尸喪不歸雄於父墮處投水死後六日與父相持浮於江上郡縣表之為雄

立碑圖像其形焉

後漢書  
列女傳

上虞縣曹娥碑

縣東有龍頭山南帶長江東連上陂江之道南有曹娥碑娥父盱迎濤溺死娥時年十四哀父尸不得乃號湧江介因解衣投水祝曰若值父尸衣當沈若不值衣當浮裁落便沈娥於沈處赴水而死縣令度尚

使外甥邯鄲子禮為碑文以彰孝烈

水經注

曹娥父盱溺死娥遂投江死元嘉元年縣長度尚改

葬娥於江南道傍為立碑焉

後漢書列女傳

漢度尚所立邯鄲淳文

諸道石刻錄

漢孝女曹娥碑在會稽縣東南七十二里按後漢書

云元嘉元年縣長度尚改葬娥為立碑會稽典錄云

尚弟子邯鄲淳字子禮時甫弱冠而有異才尚先使

魏朗作曹娥碑文成未出會朗見尚尚與之飲宴而

子禮方下督酒尚問朗文成未朗辭不才因試使子  
禮為之操筆而成無所點定朗嗟歎不暇遂毀其草  
其後蔡邕題八字云黃絹幼婦外孫壘曰其碑歲久

字多訛缺至景德中重立

寶刻叢編

六藝之一錄卷三十九